

হাসিতে পারেনা চাঁদ

সায়েফ আবদুল হক

নিবিড় মেঘের আড়ালে মাতম
হাসিতে পারেনা চাঁদ
কাকলিত পাখির কণ্ঠে গুলির শব্দ
রক্তে ভেজা ঘাসের পালক।

প্রভাত ফেরির ডাকে ঘুম ভাঙ্গে নিরবতা
ভাঙ্গে বিষন্ন অবসাদ
নিহত নিঃশ্বাসে কাঁপে সাগরের ঢেউ
ভাসে স্রোতের বিভাস।

চোখের পলক নড়ে কথা কয় জলভারে
ভাষাহীন ভাবের উচ্ছাস
অচেতন মায়ের দেহে অন্ধকারে
পথ খুঁজে অতনুর হাত।

নিবিড় মেঘের আড়ালে মাতম
হাসিতে পারেনা চাঁদ।